



Привремена заједничка комисија оба дома
Парламентарне скупштине Босне и
Херцеговине за спровођење процедуре за
именовање члана Канцеларије за разматрање
жалби

Privremena zajednička komisija oba doma
Parlamentarne skupštine Bosne i Hercegovine
za provođenje procedure za imenovanje člana
Ureda za razmatranje žalbi

Privremeno zajedničko povjerenstvo obaju
domova Parlamentarne skupštine Bosne i
Hercegovine za provođenje procedure imeno-
vanja člana Ureda za razmatranje žalbi

Broj: 01,02-50-14-1450-5,1/17

Sarajevo, 13.11.2017.

- PREDSTAVNIČKOM DOMU

- DOMU NARODA

PARLAMENTARNE SKUPŠTINE BiH

Na osnovu člana 29. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), člana 25. Poslovnika Doma naroda Parlamentarne skupštine BiH („Službeni glasnik BiH“, broj 58/14) i člana 93. Zakona o javnim nabavkama („Službeni glasnik BiH“, broj 39/14), Privremena zajednička komisija oba doma Parlamentarne skupštine BiH za provođenje procedure za imenovanje člana Ureda za razmatranje žalbi na 5. sjednici, održanoj 13.11.2017., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju liste uspješnih kandidata za imenovanje člana Ureda za razmatranje žalbi

Parlamentarna skupština BiH je na 48. sjednici Predstavničkog doma, održanoj 14. 6. i 5. 7. 2017., i na 31. sjednici Doma naroda, održanoj 19. 7. 2017., donijela zaključak o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje člana Ureda za razmatranje žalbi (u daljnjem tekstu: Komisija).

Zadatak Komisije je da, u skladu sa Zakonom o javnim nabavkama („Službeni glasnik BiH“, broj 39/14), provede kompletnu proceduru izbora kandidata i sačini listu uspješnih kandidata, te dostavi Parlamentarnoj skupštini BiH koja će imenovati na dužnost člana Ureda za razmatranje žalbi (u daljnjem tekstu: URŽ).

Zaključkom Parlamentarne skupštine BiH, broj: 01,02-50-14-1450/17, od 19. 7. 2017., u Komisiju su imenovani:

Safer Demirović, Diana Zelenika i Borislav Bojić iz Predstavničkog doma, te Ljilja Zovko, Sead Kadić i Darko Babalj iz Doma naroda Parlamentarne skupštine BiH.

Komisija je provela proceduru izbora kandidata za poziciju člana URŽ-a:

1) u Uredu URŽ-a, Filijala Banjaluka jedan član , i to:

b) jedan član URŽ-a između priznatih stručnjaka upravnog prava i/ili upravnog postupka.

Hronologija rada Komisije

Kako bi realizirala svoje zadatke, Komisija je održala pet sjednica.

Konstituirajuća sjednica održana je 7. 9. 2017. Na ovoj sjednici članovi Komisije jednoglasno su za predsjedavajućeg izabrali Seada Kadića, za prvu zamjenicu predsjedavajućeg Dianu Zeleniku, te za drugog zamjenika Borislava Bojića.

Postupajući u skladu sa svojim nadležnostima, Komisija je na 2. sjednici, održanoj 7. 9. 2017., usvojila Poslovnik o radu Komisije. Poslovnikom o radu propisani su: način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju kandidata, kriteriji bodovanja, postupak bodovanja i utvrđivanje liste uspješnih kandidata i druga pitanja.

Na osnovu zakonskih i odredbi Poslovnika, Komisija je na istoj sjednici donijela Odluku o raspisivanju Javnog konkursa radi provođenja procedure za imenovanje člana Ureda za razmatranje žalbi. Uslove Javnog konkursa Komisija je utvrdila na osnovu odredbi Zakona o javnim nabavkama i odredbi Poslovnika o radu Komisije.

Javni konkurs objavljen je u "Službenom glasniku BiH", broj 68/17, 22. 9. 2017., i "Službenom glasniku Brčko Distrikta BiH", broj 35/17, od 20. 9. 2017., te na veb-stranici Parlamentarne skupštine BiH. Obavještenje o Javnom konkursu objavljeno je 25. 9. 2017., u dnevniim novinama "Oslobođenje", "Dnevni list" i "Euro Blic".

Rok za podnošenje prijave na Javni konkurs bio je (zaključno) 7. 10. 2017.

Komisija je na 3. sjednici, održanoj 23. 10. 2017., u skladu s Poslovnikom o radu Komisije, provjerila blagovremenost, valjanost i kompletnost pristiglih prijava kandidata na Javni konkurs.

Komisija je konstatovala da su se na Javni konkurs prijavila četiri kandidata.

Nakon uvida u dokumentaciju svakog prijavljenog kandidata, Komisija je utvrdila da su svi prijavljeni kandidati dostavili potrebnu dokumentaciju, da je dokumentacija dostavljena u predviđenom roku, kao i da svi prijavljeni kandidati ispunjavaju uslove konkursa.

U skladu s Poslovnikom o radu Komisije, četiri kandidata pozvana su na intervju. O datumu, vremenu i mjestu održavanja intervjua svi kandidati su pismeno i usmeno obaviješteni.

Komisija je na 4. sjednici, održanoj 13. 11. 2017., obavila intervju s pozvanim kandidatima.

Na intervju su se odazvala dva kandidata, i to: Šejla Mirković Omanović i Edvin Šarić.

Komisija je, u skladu s Poslovnikom o radu, utvrdila tipski obrazac za ocjenjivanje kandidata koji su popunili članovi Komisije nakon obavljenog intervjua.

Utvrđivanje liste uspješnih kandidata

Komisija je na 5. sjednici, održanoj 13. 11. 2017., u skladu s Poslovnikom o radu Komisije, nakon bodovanja kandidata i dobivenih ocjena za sve kandidate koji su pristupili intervjuu, sačinila listu uspješnih kandidata.

1.	Šejla Mirković Omanović	46,3
2.	Edvin Šarić	35

Komisija je na 5. sjednici jednoglasno utvrdila i predložila Predstavničkom domu i Domu naroda Parlamentarne skupštine BiH

PRIJEDLOG KANDIDATA ZA IMENOVANJE ČLANA UREDA ZA RAZMATRANJE ŽALBI FILIJALA BANJALUKA, PRIZNATI STRUČNJAK UPRAVNOG PRAVA I/ILI UPRAVNOG POSTUPKA

redni broj	kandidat	entitet	broj bodova
1.	Šejla Mirković Omanović	FBiH	46,3

U skladu sa zakonskim i poslovničkim odredbama, Komisija dostavlja listu s prijedlogom kandidata za imenovanje člana Ureda za razmatranje žalbi u Filijala Banjaluka, priznati stručnjak upravnog prava i/ili upravnog postupka, Predstavničkom domu i Domu naroda Parlamentarne skupštine BiH na daljnji postupak.

Za izvjestioce o ovom izvještaju Komisije na sjednicama domova Parlamentarne skupštine BiH određeni su:

- iz Predstavničkog doma - Diana Zelenika, prva zamjenica predsjedavajućeg Komisije.
- iz Doma naroda - Sead Kadić, predsjedavajući Komisije.

Predsjedavajući

Privremene zajedničke komisije

Sead kadić

Dostaviti:

- Kolegiju Predstavničkog doma
- Kolegiju Doma naroda
- a/a